

UN POCO DI TUR COS

Jossy Mansur

Dia 16 di Mart 1970, un apostador na Sotheby & Company, na Londres, a paga \$20,000 pa un pisa-papel di glas.

Aproximadamente 2 millon di persona cu drenta hospital na Mreca cada aña ta termina cu otro enfermedad cu esun cu nan a drenta cune. Infeccionnan relaciona cu hosoital ta resulta fatal pa mas of menos 15,000 americano cada aña.

E cuarto emperador Mogul, Jahangir, kende a goberna di 1605 te 1627 tabata tin un harem cu 300 esposa real, 5,000 muher mas, y 1,000 homber jong pa otro tipo di placernan.

George Bernard Shaw: "Den cielo, un angel no ta nada particular".

Na aña 1587, Mary, Reina di Escocia, a ser ejecuta na Fortheringay.

E palabra "fan", cu ta significa un admirador, ta un acortacion di e palabra "fanatico".

E letternan R.S.V.P. ta un abreviacion pa e frase frances "repondez s'il vous plait" (responde, por favor).

Tin deferenciannan notable den e ingles papia na Merca y esun na Inglaterra. Por ehemplo, tabata hasa na Merca ta "french-friend potatoes"; na Inglaterra, sinembargo, e ta "chips". E recogedor di basura na Merca ta "garbage man"; na Inglaterra e ta "dustman".

Bo tabata sa cu na Kentucky cada ciudadano ta requeri pa ley pa bafia un biaha pa aña?

Na Francia, muhernan no a ser permiti pa vota te aña 1944.

Ultimo palabranan di Wolfgang Amadeus Mozart ta aña 1791, comentando ariba su ultimo obra, "Requiem": "Mi no a bisa boso cu mi ta skirbiendo e obra ey pa mi mes?"

E miho diamantan tin un color blou-blanco.

Dr. Friederich Mesmer, un docter Austriaco y e inventor di mesmerismo, cu ta un antecesor di hipnosis, tabata esun cu a introduci e intrumento musical "harmonica" na Francia.

Bo tabata sa cu e nomber oficial di India no ta India, sino Bharat?

E segundo esposo di Henry VIII, Anne Boleyn, tabata tin seis dede den un di su mannan. Pesey e tabata usa guantenan especial entre su bida pa sonde su deformidad.

Rey George I, di Inglaterra, no por a papia un solo palabra di Ingles. Su lenga nativo tabata aleman (el a bin di Hanover, Alemania), y e tabata comu-nica cu su gabinete na Frances.

Un persona cu ta huma un paki di cigar pa dia ta inhala mitad copi di tar cada aña.

Bo tabata sa cu e cerebro di homber "Neanderthal" tabata mas grandi cu esun di ser humano moderno?

DEURWAARDER MADURO A DESPEDI

ORANJESTAD(AAN)—Manera ta su costumbre, ayeramainta Deurwaarder Querino Maduro a avisa Juez cu no tin mas caso ariba rol, esta cu e sesion ta wordo cera. Pero Juez a mustre cu no, esta cu tin un caso mas cu lo keda trata despues di un pauze chikito.

Esaki a zona straño den horea di e Deurwaarder, kende a trata di muestra cu ariba rol no tin mas nomber di personanan mester presenta dilanti di Juez. Su duda a wordo kita ora Juez Behrends a bolbe habri e sesion, y a pidi nada menos cu Deur-

waarder Maduro pa bini dilanti.

Querino Maduro tabata conciente cu dia 26 di Augustus e lo bay disfruta di su pensioen. Pero e no a spera cu ayeramainta Corte lo a tene un sesion especial pa despedi.

Fiscal Hoogland a elabora ariba e carera di Maduro, cu a drenta servicio di Gobierno na aña 1959, como bode-griffier y na aña 1966 a wordo nombra como deurwaarder pa casonan penal, puesto cu e ta ocupa ainda.

Tambe fiscal a elabora encuanto e contactnan cu Maduro tin atravez di su

trabao, pa cual e ta wordo paga, ademas di un salario basico cu no ta mucho alto, pa caso.

Fiscal ademas a cita parti di e carta cu ta bay pa ambtenaarnan cu cumpli 25 aña den servicio di Gobierno. Na final Fiscal a muestra cu lo bay ta un poco dificil na parket pa loke ta trata entrega di dagvaarding, debi cu ainda no tin reemplazante.

Solicitudnan a drenta pero Gobierno mester tuma un decision, despues di seleccion.

Juez Behrends a cera e sesion, bisando Señor Maduro cu e ta wordo sentencia na un palabra especial di gratitud. Na nomber di Corte el a wordo gradici pa su labornan mientras el a ricibi e mihor deseonan pa por goza di su pensioen cu su familia ariba nos isla.

COMISION STATUS APARTE A BISHITA DOW

ORANJESTAD(AAN)—Ayer mainta un delegacion di e Comision pa organiza celebracion di Status Aparte di Aruba, consistiendo di sr. Atan Lee, presidente, Sr. Mario Croes vice presidente, Sr. Bert de Freytas, miembro, a haci un bishita di trabao na DOW

Nan a ser ricibi door di hefe di DOW Sr. Rudy Oduber, ing. Virgilio Kock, Sr. Janny Croes, y Sr. John Gomez.

Durante reunion a keda extensamente delibera ariba e Plaza Himno y bandera, esta pa comberti

esaki den tal forma cu e celebracion di e Status Aparte di Aruba por tuma lugar ey riba.

Pronto DOW lo presenta plannan den forma di mapa y maquette, pa asina e trabaonan por cuminsa y finaliza na tempo.

Den e ultimo dianan e miembronan di e comision a haci diferente bishita di cortesia y orientacion na algun departamento importante manera bombero, polis, marina real, Tele Aruba etc. tur en preparacion pa e celebracion di Status Aparte di Aruba.



FLOR Y'S
Fashion Boutique

BARATILLO BARATILLO
ARIBA TUR SAPATO
Fls. 10,- pa paar.
y
tambe nos a ricibi:
BISTIR di CATUNA.
Na diferente size.
HENDRIKSTRAAT 7
TEL: 31922

COPA HEINEKEN

GRAN APERTURA

astros ballpark / tereno santa fe

diadomingo 7 di juli

9.30 di mainta

ENCUENTRONAN DEPORTIVO
SOFTBAL - FUTBAL - DOMINO

TRANSMISION Y ANIMACION
GORDON'S DISCO